

24. september 2019

UPA2019/135/165/166

**Qamutit mootorillit akileraarutaat pillugit Inatsisartut inatsisaataallanngortinnissaa, imaalillugu ATV-it taakkunungalugu assingusut qamutit mootorillit nunakkoorutit mikinerit sisamanik amerlanernilluunniit assakaasullit ukiumut akileraarutaat 2.000 kronemut appartinnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut Ilaasortaq Stine Egede, Inuit Ataqatigiit)

**Uunga siunnersuut: Eqqussuinermit akitsuutit pillugit Inatsisartut inatsisaata allanngortinneqarneranik Inatsisartut inatsisaat nr. xx, xx.xxx 2019-imeersoq (Plug-in hybridbiilit akitsuutaat, biilinit innaallagissamik imaluunniit brintimik ingerlatilinnut akitsuummik akiliisussaanginneq kiisalu qamutit mootorillit nunaannakkoorutit minnerusut akitsuutaannik atorunnaarsitsineq)**

(Partii Naleqqap Inatsisartunut ilaasortaataitai)

**Uunga siunnersuut: Qamutit mootorillit akileraarutaat pillugit Inatsisartut inatsisaata allanngortinneqarneranik Inatsisartut inatsisaat nr. xx, xx. xxx 2019-imeersoq. (Qamutitut mootorilinnut taamaallaat innaallagissamik brintimilluunniit ingerlatilinnut plugin hybridbiilinullu akitsuut, qamutitut mootorilinnut nunakkoorutitut mikinerit akitsuuteqartitsinnginneq kiisalu akiliinissamut piffissaliussamik allanngineq)**

(Partii Naleqqap Inatsisartunut ilaasortaataitai)

Siumumiit Inatsisartunut ilaasortap Stine Egedep aalajangiiffigisassatut siunnersuutaanut aammalu Partii Naleqqap inatsisartunut ilaasortaataannit inatsisissatut siunnersuutaannut imaattumik oqaaseqassaagut.

Nunatsinni pingortitap mingueqisup illersorneqarnissaa imaannaangitsuuvoq nunatsinnimi pingortitaq isortoqaaq tikikkuminaassinnaasarlunilu. Siumup sulissutigiuarpaa nunatta avatangiisittalu mingutsitsinernut suusunulluunniit illersorneqarnissaa, minnerunngitsumik pisuussutitta paarilluarnissaat piujuannarnissaallu siunertaralugu.

Siumumi anguniagaraarput mingutitsisoq mingutsitaminut akisussaasuutinneqartassasoq. Taamaattumik partii Naleqqap biilinit sarfatuutigalutik orsussamik ingerlateqartunut eqqussinermut akitsuusiisalnissamik siunnersuutaanut eqqussinermi akitsuummi biilit pisoqalillutik atorunnaarnerminni isatarnissannut akitsuutip akilerneqartup toqqorneqartarnissaa kissaatigaarput. Tassami biilit batterimik ingerlateqartut ilaannakortumilluunniit ingerlateqartut pingortitamut pisoqalillutik ingerlajunnaarneranni iluamik isaterneqanngikkunik annertuumik mingutitsisinnaanerat pisinnaavoq. Taamaattumik pitsaasumik periutsumik nassaarnissaq pimoorullugu ingerlanneqartariaqartoq isumaqarpugut. Tassami aningaasat akitsuutinit isertinneqartut minnerpaamik qulakkeertariaqarpaat, biilit isaterneqarnerannut aningaasartuutitut matussusiisarnissaat.

Siuliani oqaatigisagut uteqqinnagit Siumumiit isumaqarpugut aqqusinermi biilit ingerlaartut tamarmik nungullarsaaqataanerminnut akileraaqataasarnissaat. Taamaattumik

pissusissamisoortutut isigaarput Qamutinut motorilinnut akitsuut tamanut  
atuutsinneqartariaqartoq.

ATV-nut akitsuummut tunngatillugu immikkoortumi UPA2019/54 isummersuutigut  
innersuussutigiumavagut, suliallu aappassaaneerneqarnissaanut aningaasaqarnermut  
akileraartarnermullu ataatsimiitsitaliami peqqissaartumik suliarineqarnissaa inassutigiumavarput.

Taamatuttaaq Inatsisissatut siunnersuutininut marluusunut aningaasaqarnermut  
akileraartarnermullu ataatsimiitsitaliami peqqissaartumik susassaqartunullu  
tusarniaanertaqartumik suliarineqarnissaat Siumumiit inassutigaarput.

Karl Kristian Kruse  
SIUMUT